



Broj: 02-19-606/26
Velika Kladuša, 12.03.2026. godine

Na osnovu člana 132. stav 11. Zakona o prostornom uređenju i građenju – novi prečišćeni tekst („Službeni glasnik USK-a“, broj: 8/25) Općinski načelnik Općine Velika Kladuša, putem Službe za prostorno uređenje, imovinsko-pravne i geodetske poslove, objavljuje

JAVNI POZIV
za podnošenje prijava za učešće u radu Komisija za tehnički pregled građevina
za koje odobrenje za upotrebu izdaje Općinski organ uprave Općine Velika Kladuša

I

Pozivaju se sva zainteresovana stručna lica, odnosno specijalisti za pojedine oblasti da podnesu prijave za učešće u radu komisija za vršenje tehničkog pregleda građevina za koje odobrenje za upotrebu izdaje Općinski organ uprave Općine Velika Kladuša, i to za sljedeće stručne oblasti:

- arhitektonska,
- građevinska,
- mašinska,
- elektrotehnička,
- saobraćajna,
- geodetska,
- zaštita od požara i eksplozija,
- zaštita na radu,
- zaštita okoliša.

II

Učešće u radu Komisija za tehnički pregled građevina mogu ostvariti lica koja ispunjavaju uslove iz člana 132. stav 2. Zakona o prostornom uređenju i građenju i to:

- da su diplomirani inženjeri odgovarajuće struke (VII stepen stručne spreme, odnosno visokog obrazovanje Bolonjskog sistema studiranja sa najmanje 240 ECTS bodova),
- da imaju 5 godina radnog iskustva u struci,
- da imaju položen stručni ispit za oblasti za koje je propisana obaveza polaganja.

Doktori nauka i magistri iz oblasti za koju se prijavljuju dostavljaju rješenje o oslobađanju obaveze polaganja stručnog ispita umjesto uvjerenja o položenom stručnom ispitu.

III

Kao dokaz o ispunjavanju uslova iz tačke II Javnog poziva uz prijavu, koja treba sadržavati podatke o tačnoj adresi, JMBG, broju telefona i e-mail adresi, potrebno je priložiti:

- kratku biografiju uz obaveznu naznaku uže oblasti za koju se stručno lice prijavljuje,
- ovjerenu kopiju diplome,
- uvjerenje o položenom stručnom ispitu (ovjerena kopija),
- dokaz o radnom iskustvu u struci iz tačke II (nakon sticanja VSS),

- fotokopija lične karte,
- naziv poslovne banke i broj transakcijskog računa.

IV

Prijave sa dokazima o ispunjavanju uslova iz tačke III Javnog poziva podnose se u roku od 15 dana od dana objave Javnog poziva, neposredno putem prijemne kancelarije Općine, svakim radnim danom, ili putem pošte na adresu:

**Općina Velika Kladuša,
Ulica Hamdije Pozderca br. 3
77 230 Velika Kladuša,**

sa naznakom „Prijava za učešće u radu Komisije za tehnički pregled građevina za koje odobrenje za upotrebu izdaje Općinski organ uprave Općine Velika Kladuša“.

Sve blagovremeno podnesene prijave po objavljenom javnom pozivu biće razmatrane u postupku po javnom pozivu, a prijave pristigle nakon utvrđenog roka neće biti razmatrane.

V

Stručna Komisija koju imenuje Općinski načelnik će izvršiti provjeru i sačiniti spisak stručnih lica koja ispunjavaju uslove iz Javnog poziva i o tome pismeno obavijestiti lica koja su se javila na poziv.

